

La SRG SSR – in maletg da la Svizra

La chasa da medias publica, la chasa da medias independenta: ina instituziun svizra. La SSR signifitga federalissem e solidaritad en la varietad. Ella è qua per tuts, per la maioritad e las minoritads, per ils chantuns pitschens e gronds, ed en las quatter linguas naziunalas. Cun quai stgaffescha la SSR identitad – pli impurtant che mai en vista a la midada digitala da las medias.

Grazia che nus pudain prestar cun Vossas taxas noss servetsch a la societad ed a la democrazia.

Independenta e federalistica

- La SSR è francada en la publicitad sco **uniun averta per in e scadin**. Ed ella na po betg vegnir cumprada da concerns da medias u da politichers.
- La taxa da recepziun porta trais quarts da las entradas, la reclama in quart. Quel model da finanziaziun garantescha ina **infurmaziun independenta** da las gruppas d'interess politics ed economicas.
- Il mund da las medias sa centralisescha a cust dals pitschens chantuns, da las regiuns lateralas e da las parts dal pajais da lingua diversa. La SSR cun sedia principala a Berna resta dentant tras **federalistica**.
- La SSR fa in **servetsch per la publicitad**: Ella fa emissiuns da qualitat che fissan sin il pitschen martgà quadriling in fatschenta deficitara per offriders privats.

Solidarica e collianta

- Grazia a la solidaritad finanziaza tranter las unitads d'interpresa da la SSR han er la Svizra franzosa, taliana e rumantscha ina buna purschida d'audio, video e multimedia. La SSR promova la **solidaritad federala**.
- En temps da la fragmentaziun da nossa societad en communitads digitalas contribuescha la SSR ad ina vasta **publicitad globala**.
- La SSR gida cun ses programs ad integrar **estras ed esters**.
- **Persunas cun impediments dals senns** survegnan grazia a sottitels, lingua da segns e descripciuns auditivas in vast access ad infurmaziun, sport, cultura, furmaziun e divertiment.

Multifara e cun furmaziun d'identitad

- La SSR mussa la diversitad svizra e **stgaffescha identitad** cun intermediar a tut las gruppas linguisticas eveniments cuminaivels, en la cultura populara, tar eveniments federals u en il sport.
- Cun 40 milliuns francs l'onn per films e serias svizas è la SSR ina pitga da la **promozion da la cultura**. Er sustegna ella la musica e la litteratura: en il program, al radio, tar festivals egrazia a partenadis.
- La SSR infurmescha, scolescha e porscha divertiment cun tenuta. 96 pertschient dals umans en il pajais nizzegian l'**offerta attractiva** en il radio, a la televisiun ed online.

Cumpetenta e cun success

- SRF, RTS, RSI, RTR e SWI fan in **schurnalissem premurus e cun atenziun critica** ch'approfundescha infurmaziuns, classifitgescha fatgs e revelescha motivs.
- La SSR ha il **know-how** tecnologic per influenzer innovativamain la **digitalisaziun** che vegn a midar la societad en ina moda anc strusch accessibla.
- Cun il radio han ils emetturs da la SSR ina **part da 60 pertschient dal martgà**. Cun la televisiun cuntanschan els **30 pertschient**, malgrà la gronda concurrenza da l'exteriur – la saira, durant il meglier temp d'emissiun, savens dapli.

Economica e cumpetitiva

- Las taxas tracta la SSR **economicamain ed efficientamain**: L'interpresa vegn manada rigurusa-main, l'organisaziun ed ils andaments èn adequats, ils process directivs e da surveglianza èn moderns.
- Cun cooperaziuns ed Admeira, la plattafurma da reclama avarta e digitala, sa metta la SSR en furma per la **concurrenza globala**. Uschia restan ils daners da reclama en il pajais e rinforzan la piazza da medias Svizra.

Transparenta e movibla

- La SSR tutga tar las **chansas da medias las pli transparentas** da l'Europa. Sias unitads d'interpresa SRF, RTS (Svizra franzosa), RSI (Svizra taliana), RTR (Svizra rumantscha) e SWI (per la Svizra a l'exteriur e l'ester) publitgeschan ils custs da las emissiuns da televisiun e dals programs da radio. En il rapport da gestiun infurmescha la SSR detagliadamain davart las entradas e las expensas, las pajais ed ils collavuratur.
- La SSR maina in **dialog cun il public**. Ella sa renda là, nua ch'il public stat e s'adatta cuntinadamain a las novas modas d'utilisaziun.